


PFiNDLA

Nhlayu 4 | Lembe 4 | Nhlangula – Hukuzri – N'wendzramhala | 2024



Nghunghunyana
Nghonyama ya KaGaza

Publicidade



SERVIÇOS DE EDIÇÃO E REVISÃO LINGUÍSTICA

Acabe com **embarassos** em-
baraços de escrita em portu-
guês e inglês!

Contrate a "Dumbeka Editores e Consultores, Sociedade Unipessoal, Limitada", abreviadamente "Dumbeka, Lda.", para rever e editar os seus documentos a um incrível preço de 1,00MT por palavra! Garantimos-lhe total confidencialidade e excelente qualidade de serviços.



Edição e revisão
linguística de
correspondência
comercial

Edição e revisão
linguística de documentos
técnicos e científicos

Edição e revisão
linguística de jornais,
revistas e outros
periódicos

Edição e revisão
linguística de teses,
dissertações e
monografias

Assistência na escrita
de qualquer tipo de
documento

DUMBEKA, LDA

Rua de Vundicha Nº 235,
B. Liberdade, Cidade da
Matola

Celulares: 845188424/
879999269/827194852

Visite www.dumbeka.com
Email: info.dumbeka@gmail.com

Zritu Dzera Muhleli

Nhlayu leyi ya PFINDLA yipfala mpfuxeto wa matimu ya tiko dzra Musambiki lamayelanaka ni Mfumu wa KaGaza. Hipfuxeta matimu ya Nghunghunyana, hosi ya vugamu ya Machangana. Hadumba lesvaku vahlayi vatanyonxa hi kutiva matimu lawa, lamahipfumelelaka kuhlometela mahanyela ya vakhale.

Xin'wana lexi nhlayu leyi yitaka naxu i matsralela ya Xizronga, ngopfungopfu milawu ya matsralela ya kutsravukanisa mazritu. Handle ka lesvo, hitadondzera mayelanu ni ntivompfumawulu ni ntivompfumu. Hlavisela lesvaku lesvo svitapfuna vahlayi kutwisisa kuyampsa milawu ya matsralela lamampsha, lawa kuzrindzreliwaka lesvaku svitsraliwa hinkwasvu sva Xizronga svima-tsrizrisa.

Tikholisani!

*Armando A. Magaia,
Muzrangeli ni Muhleli*

VUDZRUNGULI BZA VUGANDLISI:

Vito dzra Revhixta: *Pfindla*

Doropa dzra Vupaluxi: KaMatsrolo

Nhlayu ya Vugandlisi: Ya vu4 ya lembe dzra vu4, Nhlangua – Hukuzri – N'wendzramhala, 2024 (Tihweti ta 10-12, ta lembe dzra 2024)

N'winyi: Dumbeka Editores & Consultores, SU, Lda.

Muzrangeli ni Muhleli: Armando Adriano Magaia

Vutsrali/Vuhleli/Vubasisi bza tsralwa: Armando A. Magaia; Arlindo A. Magaia; Francisco A. Magaia; Jacob A. Magaia; Leta A. Magaia; Sacadura A. Chilundzo

Muti wa Vutsrali ni Vuzrangeli: Rua de Vundiça Nº 235, B. Liberdade, Matola

Websayi: www.dumbeka.com

Liqunga: (+258) 845188424/
879999269/827194852

WhatsApp/Telegram: (+258)
845188424

Email: info.dumbeka@gmail.com

Vuyaveli: <https://www.xizronga.org/> ni tindlela tin'wana hi mahala

Minkama ya Vugandlisi: Kamune hi lembe

Nhlayu ya Vutsralisi: GABINFO/
DEPC/2021


© Dumbeka Editores & Consultores,
Sociedade Unipessoal, Lda.

Xifaniso xa xifuneketo: Sayti dzra
actd.iict.pt

Esta publicação está disponível para download gratuito no formato PDF no site <https://www.xizronga.org>. É permitida a reprodução parcial ou total desta publicação, desde que citada a fonte e que não seja para a venda ou qualquer fim comercial.

Tinhlokomhaka

Nghunghunyana – Hosi Ya Vugamu Ya KaGaza	6
Matsralela Ya Xizronga	10
Tlakuxo Ni Twalela Ku Xizronga	17
Mazritu Ya Kulosana Ni Ya Kulelelana Ha	
Wone	21



Nghunghunyana ni vasati vakwe loko vayisiwa Portugal

Xihlovo xa xifaniso: *Alchetron, The Free Social Encyclopedia*

Nghunghunyana – Hosi ya Vugamu ya KaGaza

Tluka | 6

Nghunghunyana avi hosi ya vuzrazru ni ya vugamu ya Mfumu wa KaGaza, lowungasungula ha kokwana wakwe Sochangana (kumbe Manikusi) atikweni dzra Musambiki. Afa athela ativiwa hi vito dzra Mudungazwe. Abelekiwi kolomu ka 1850 nakone asunguli kufuma hi 1884, agama hi 1895, loko akhomiwa ha Joaquim Mouzinho de Albuquerque le mutini wakwe wa khokholo wa le Xayimithi. Afa ali n'wana wa Muzila, lwafumiki KaGaza hi 1861-1884. Mamana wakwe afa ali Yosiyo, lwatlheliki ativiwa svanga Umpibekezana.

Ankameni wa kubelekiwa ka Nghunghunyana, tiko dzravu afa dzrihanya nkintsrinkintsri leyikulu. Loko kokwana wakwe Sochangana afile hi 1858, kusunguli kulwisana ka vama kwavu na makwavu, Muzila na Mawewe, akuva vateka vuhosi. Antsrhaku ka loko Mawewe ahluli makwavu, Muzila atsrutsrumeli Transval, laha akumiki nseketelo wa kukota kulwa na Mawewe, ava hi vugamu amuhlula. Kambe

svijuli kuva ntsindzra wa Mfumu wa KaGaza wuyisiwa Musurize, le Manika, kule svinene ni minhlasele ya masocha ya Maswazi lawa afaka malwela Mawewe, lesvi afaka ali mukon'wana wa hosi ya wone. Antsrhaku ka yimpi, Muzila ayi mahlweni hi kutiyisa ni kunavisa vuhosi bzakwe atikweni dzra Musambiki. Afa afuma hi voko dzra nsimbi. Hi tlhelo dzrin'wana, masocha ya Muzila afa matsrhamela kuhlasela mimbangu leyi afaka mifumiwa hi Maputukezi ya le Sofala ni Nyambani.



Nghunghunyana ni vasati vakwe va 7 le Asorxi, Portugal

Xihlovo xa xifaniso: Sayti dzra actd.iict.pt

Akufeni ka tatana wakwe Muzila, Nghunghunyana adlayi makwavu lwenkulu, Mafemani, hikusa hi yene lweyi afaka apsaliwi hi nkosikazi (nsati lwenkulu), lesvi afaka svimunyika mfanelo ya kusiva tatana wakwe xitsrhan'wini xa vuhosi. Kutani vama-kwavu lavambeni, Hanyani na Mafabazi, vatsrutsrumi vayachavela tikweni dzrimbe, yene-ke asala svanga hosi ya KaGaza, leyitlheliki yitiviwa svanga Nghonyama ya KaGaza.

Hi nkama lowu Nghunghunyana akhweliki xilovelweni, atami alandzra ndlela ya tatana wakwe ya kujula kususa Maputukezi ni kufuma matiko man'wana lawa afaka mangapfumeli kunkhonzhisiwa hi Vanguni. Vhanu vanyingi vakoti vatsrutsrumela migangeni ya Nyambani, lomu afaka kufumiwa hi Maputukezi. Na kuyenceka lesvo, Maputukezi mamukhomile le mutini wakwe wa Xayimithi, hi 28 ka N'wendzramhala wa 1895, mamuyisa Lourenço Marques ni vasati vakwe va ntlhanu na vabidzri, ntsrhaku mamuyisa Mboweni, Portugal. Hi vugamu, Nghunghunyana ayisiwi aXihlalani xa Asorxi, lomu afeliki kone hi 23 ka N'wendzramhala wa 1906 na a ni 56 wa malembe.

Publicidade

Kaya Software, Lda

Somos uma empresa nacional com muita experiência e profissionalismo no ramo de Web Marketing.

PÁGINAS WEBS & LOJAS VIRTUAIS

Criamos Páginas Webs e Lojas Virtuais Responsivas de Alta Qualidade.



SGE & SGA SISTEMA DE GESTÃO ESCOLAR & ÁGUA Sistema De Gestão E Facturação Do Consumo De Água.



CRIAÇÃO DE APLICATIVOS

Desenvolvemos Aplicações Inteligentes, Flexíveis e Responsivas.



REDES & MANUTENÇÃO DE PC Fazemos Manutenção de Redes, Hardware, Software e Base de Dados.



Entre em contacto!

**Rua Nº 2, Cidade da Matola, Moçambique; +258 84-758-7060 /
84-774-3719; Email: kayasoftwarelda@gmail.com**

Matsralela ya Xizronga

1. Kutsravukanisiwa ka mazritu

Milawu ya matsralela ya kupatsranisa misindzrisa kutlhela hitiva ni sviyimu lesvi mazritu matsravukanisiwaka ku svone.

1.1. Liyenci dzra kuhlawulekisa ni zritwana dzra vuxaka

Loko liyenci dzra kuhlawulekisa dzritizrisiwa kun'we ni zritwana dzra vuxaka, zritwana dzra vuxaka dzritsравukanisiwa ni liyenci. Svikombiso:

1. Movha wa kudula.
2. Svakuda sva kubola.
3. Muzru wa kuhungela.
4. Mati ya kutitimeta.
5. Moya wa kuxwenga.

1.2. Liyenci dzra kuhlawulekisa ni lisivi ledzriheleliki

Loko liyenci dzritizra svanga liyenci dzra **kuhlawulekisa** kumbe **xigana xa kutlhantekela** na lisivi dzriheleleli, lisivi adzripatsranisiwi ni liyenci. Svikombiso:

1. Svakuda lesvi svidulaka
2. Mati lawa maxwengiki
3. Movha lowu wungahoneka
4. Vutomi lebzi bzingahelikiki

1.2.1. Vito dzra kuhlawulekisa ni zritwana dzra vuxaka

Loko vito dzra kuhlawulekisa dzritizrisiwa kun'we ni zritwana dzra vuxaka, zritwana dzra vuxaka dzritsravukanisiwa ni vito dzra kone.¹ Svikombiso:

1. Muzru wa khokho.
2. Mubede wa mapulangu.
3. Mati ya munyu.
4. Muzri wa makhondlo.
5. Xilembe xa ntlhohe.
6. Xipachi xa ntima.
7. Lwandle dzra libungu.
8. Yindlu ya khale.
9. Kapulana dzra nyuwana.

1.3. Lizrangeli *na* + lisivi ledzriheleliki

Loko lizrangeli *na* dzritizrisiwa ni masivi ya ximhunu lamahleliki (*yene, vone, dzrone, wone, xone, yone, tone, bzone, kone*), dzritsravukanisiwa ni masivi. Svikombiso:

¹ Xiya kuhambana lokunga kone ni mazritu mange mangani lawa manga *mavito* ya kuhambiwa hi zritwana dzra vuxaka ni vito. Mazritu lawo matsraliwa hi kupatsranisa. Svikombiso: Vantima (valandi), wantima (mulandi), wantlhohe (mulungu), vakhale (vakokwana), vamatiko (vafpi), wamatiko (mupfi). Ku sviyimu lesvi hihlaya *lixaka*. Kambe loko hithlamuxela *tsrhamela* dzra mhunu hi zritwana dzra vuxaka, hatsravukanisa. Svikombiso: Vadzrimi va ntima; vafundhisa va khale, vhanu va matiko, wansati wa matiko, mufana wa ntlhohe.

1. Nibuli na yene.
2. “Ti kwini timbuti?” “Mundawu afambi na tone amatini.”
3. Ahikumani na vone hi mhaka ya mona lowu vanga na wone.
4. Vusva lebzi utafamba na bzone antizrweni.
5. “Buluku ledzri i dzrikulu!” “Gqoka, utakula na dzrone.”

1.4. Loko kuhlanhliwa liyenci dzra kutlhanganisa *kuva*

Loko kuhlanhliwa liyenci dzra kutlhanganisa *kuva*, liyenci dzritravukanisiwa ni zritu ledzrilandzrelaka. Svikombiso:

1. Mamana i Muzronga.
2. Joni i kule; ahi lomu kusuhi.
3. Mine ani mugunda.
4. Vana lava i vanene.
5. Kasi u kwini?
6. Hi n'wine vamani?
7. Hine hi vayeni.

1.5. Loko kuhlanhliwa liyenci *kuva + ni*

Loko kuhlanhliwa liyenci *kuva + ni*, sviyenge lesvibidzri svatsravukanisiwa. Svikombiso:

1. Mamana a ni kapulana dzra kuxonga.
2. Ni ni mukhuhlwana.

3. Havi ni kutsrhava lokukulu.
4. Vhanu lava ava na tingana.
5. Ahinge na svakuda kumbe mati.
6. Mitava ni nkama siku muni?
7. Buyani ni svivanana lesvinga ni ndlala.
8. Mingaxaniseni vana lavangeke na vapsele.
9. Ova na yini, kasi?
10. Mundzruku kutava ni mumu.

1.6. Loko kuhlanhliwa liyenci kuva + *phete/kazri*

Loko kuhlanhliwa liyenci **kuva + phete/kazri**, sviyenge lesvibidzri svatsravukanisiwa. Svikombiso:

1. Vadzrimi va kazri vacuca.
2. Hine hi phete hiyaka svitlhanta.
3. Kokwana a kazri atlanga ni vatukulu.
4. Hitakuma na vali kazri vatizra.
5. Nkama lowu hitava (na hili) kazri hiyendzra.

1.7. Loko kuhlanhliwa liyenci kuva + *kone*

Loko kuhlanhliwa liyenci **kuva + kone**, sviyenge lesvibidzri svatsravukanisiwa. Svikombiso:

1. “Svo yini, u kone?” “Ina, ni kone.”
2. Mamana anga kone.
3. A kone kokwana?
4. Vatsrongwana va kulutla va kone hinkwaku.
5. Afa ningali kone tolo.

6. Mitava kone muchatwini?
7. Tihosi tivi kone akulahliweni ka Zaida Nhlongo?
8. I vangani yaviki kone axikole tolo?
9. Lava vangavangakiki kone ankhubzini wa Mariya tolo vatitsronisile.
10. Hi kone hine hixizrandzraka Xizronga.

1.8. Mayenci ya kupfunisa

Loko mayenci ya kupfunisa (ya kufana na *kujula*, *kunavela*, *kutalisa*, *kupfa*, *kuta*, *kuza*, *kutama*, *kusama*, *kutolovela*, *kukotisa*, *kukumeka*, *kuhatla*, *kuvhela*, *kukota*/*ukondzra*, *kuyengeta*, *nsv.*) matizrisana ni mayenci lamakulu, liyenci dzra kupfunisa dzritsravukanisiwa ni ledzrikulu. Svikombiso:

1. Nijula kumuka.
2. Vatekisa kuta hi kuhela ka vhiki.
3. Hikotisa kukumana antsrhaku ka ntizro.
4. Usama uya Joni?
5. Svi hazri sva nhova svichuka svidlaya svifuyu svezru.
6. N'wananga angatoloveli kuhemba.
7. Pfanani mifamba.
8. Tanani mifamba.
9. Vhela usuka na ningasikuba!
10. Tihite ukondzra ukuma lesvi usvijulaka.

1.9. Loko kutizrisiwa zritwana *afa + liyenci*

Loko kutizrisiwa zritwana *afa + liyenci*, sviyenge le-svibidzri asvipatsranisiwi. Svikombiso:

1. Afa hixwelile.
2. Afa ningatwi ndlala.
3. Nikubuyeli ni xipachi lexi afaka uxidzrivalile.
4. Tatana lweyo afa kunene ali mhunu wa malwanda.
5. Mumu wuhisi svibewu lesvi afaka kutani svimilile.
6. Afa vatsrongwana vangehe na svakuda.
7. He n'wine! Afa mpelampela mingasvitivi?

1.10. Zritwana dzra vuxaka kun'we ni masivi

Loko kutizrisiwa zritwana dzra vuxaka kun'we ni masivi ya ximhunu (mine, wene, yene, xone, wone, hine, n'wine, vone, svone, tone, nsv.), zritwana dzra vuxaka dzritsravukanisiwa ni lisivi. Svikombiso:

1. Nguluve yiyetlelile ni matinyo ya yone.
2. Wayivona huku ni svcuwana sva yone!
3. Tihosi tizrangela matiko ya tone.
4. Wada bomu ni makamba ya dzrone?
5. Mhunu wa kone angabuyi?!

1.11. Lizrangeli *ni* kun'we ni sviyenge sva siku

Loko kutizrisiwa lizrangeli *ni* kun'we ni sviyenge sva siku (mpundzru, mixo, nhlikanhi, madambu, vusiku), lizrangeli dzratsravukanisiwa. Svikombiso:

1. Hipfuka ni mpundzru siku ni siku.
2. Vanezru vaya xikole ni mixo vahuma ni nhlikanhi.
3. Hinkwavu vakumeka kaya ni madambu.
4. Ungafambafambi ni vusiku.

1.12. Zritwana dzra vumbangu *le*

Loko kutizrisiwa zritwana dzra vumbangu *le*, dzritsra-vukanisiwa ni mbangu wa kone. Lesvi sviyenceka ni le ku liyenci *kuva* loko dzrilandzriwa hi *le*. Svikombiso:

1. Nitsrhama kule ni le ntizrweni.
2. Vhanu va le Xilungwini vazrandzra mapawu.
3. Nimuvona ni loko ata hi le kule.
4. Niyapfuxela zrazrana wanga wa le KaN'wamba.
5. Svosvi ni le nhlomulweni.
6. Mamana a le masin'wini.
7. Masocha ma le yimpini.

Tlakuxo ni Twalela ku Xizronga

2.1. Tlakuxo

Tlakuxo hi loko hitlakuxa peletwana dzrin'we andzreni ka zritu kumbe hitlakuxa zritu dzra kukazri andzreni ka xiga. Tlakuxo hi ntumbuluku dzriku-meka ku peletwana ledzrihlwelaka. Ku ni mixaka mibidzri ya tlakuxo:

1) ***Tlakuxo dzra zritu*** – dzritlakuxa peletwana dzrin'we ntsena. Svikombiso:

1. Mufana [mu'fa:na]
2. Masingita [masi'ŋgi:ta]
3. Xihita [ʃihi'ta:na]
4. Xitukulumukhumba [ʃitukulumu'khu:mba]

2) ***Tlakuxo dzra xiga*** – dzritlakuxa zritu kumbe mazritu ya kukazri. Svikombiso:

1. Anidi mathapa.
2. Anidi mathapa.
3. Mine nizrandzra mpunga!

Ku xikombiso xa ^{ku}1, hi kutlakuxa xiga lexiliki 'anidi', muvulavuli ajula kuhlaya lesvaku angadi mathapa nikutsrongo. Kasi ku xikombiso xa ^{vu}2, hi kutlakuxa zritu ledzriliki 'mathapa', muvulavuli ojula kuhlaya lesvaku lesvi adaka svone ahi mathapa kambe i

svin'wana. N'waninkama angahayengetela aku: 'Nida nyangana', kumbe sva kufana ni svosvo. Hi vugamu, ku xiga xa ^{vu}3 muvulavuli atlakuxa mazritu 'mine' na 'mpunga' akuva akhanyisa lesvaku lesvi **yene** asvizrandzraka i **mpunga**, ahi svimbeni. Xilesvo, hidondzra lesvaku tlakuxo dzra zritu adzritizreli kuhambanisa ntlhamuxelo wa mazritu, kambe tlakuxo dzra xiga hi dzrone dzrihambanisaka ntlhamuxelo.

2.2. Twalela

Twalela hi loko hibindzrisa peletwana, zritu kumbe xiga akuva vayingiseti vatwisisa hi kukhanya ntlhamuxelo wa lesvi hisvihlayaka. Twalela dzrasvikota kuha-mbanisa ntlhamuxelo wa mazritu kumbe sviga. Ku ni mixaka mibidzri ya twalela:

1) **Twalela dzra vuvulavuli** – dzritizrela kukhanyisa ntlhamuxelo wa sviga lesvi hisvitizrisaka andzreni ka xiyimu xa kukazri. Svikombiso:

1. Hine **hingaya** [hi,ŋga:ja] ntizrweni tolo hiho-lile.
2. Hine **hingaya** [hi'ŋga:ja] ntizrweni namunhla loko vahiholela.

Ku xikombiso xa ^{ku}1, hi kubindzrisela hansi peletwana 'nga' ku xiga 'hingaya', muvulavuli ajula

kuhlaya lesvaku yene ni vambeni vayile ntizrweni tolo. Kasi ku xiko-mbiso lexa ^{vu}2, hi kubindzrisela henhla peletwana 'nga' ku xiga 'hingaya', muvulavuli ojula kuhlaya ntsena le-svaku svakoteka kuva yene ni vambeni vaya ntizrweni namunhla; vati-bekiselile kuya antizrweni.

2) ***Twalela dzra mazritu*** – dzritizrela kukhanyisa ntlhamuxelo wa mazritu lawa himatizrisaka andzre-ni ka xiyimu xa kukazri. Svikombiso:

1. Huka mavele [ma'vɛ:lɛ] hi nkuleti.
2. Bzala mavele [ma,vɛ:lɛ] ni ntsrumbula.

Ntsena hi kucinca twalela, zritu "mavele" ku xiga xa ^{ku}1 dzrijula kuhlaya "svizro sva kuyan'wisa vana", kasi ku lexa ^{vu}2 dzritlhamuxela "svitsrama". Hilesvo-ke, nambiloko svikombiso lesvinga laha henhla svijula kufana, ku ni kuhambana amakazri ka **twalela dzra vuvulavuli** ni **twalela dzra mazritu**, hikusa ledzra kusungula dzrihlaya mazritu la-mayakiwaka hi kuhlanhla liyenci (h. xik., hi + nga + ya = hingaya), nakuve ledzra vugamu dzripfela ku mavito ya minchumu (h. xik., mavele).

Publicidade

Kungali khale utatikumela dzraku!

Tluka | 20



Fona kumbe uwhatsapela



845188424

Mazritu Ya Kulosana Ni Ya Kulelelana Ha Wone

Tluka | 21

Mixweni:

1. Bzixile! ²
2. Awuxeni!
3. Abzixeni!

Nhlikanhini:

1. I nhlikanhi!
2. Awuve nhlikanhi!

² Svitolovelekile kuyingela van'wana vaku: "Dzrixile". Kambe ku ni lava valiki lesvo svihoxekile, hikusa liyenci "kuxa" dzrihlanya "kuhela" ka vusiku kumbe ka mpfula. Loko hiku "bzixile", svifana ni lesvaku "vusiku bzixile" (vusiku bzihelile). "Dzrixile" asvilongoloki ni ntlawa wa ^{vu}14 (vu), hikusa "dzri-" alumba ntlawa wa ^{vu}5 (dzri). Nambitanu, van'wana vavona kuyelana amakazri ka *kuxa ka dambu* ni zritu *vuxa/vuxeni*, xisvosvo vaku: "kuxa ka dambu" kumbe "kuxa ka siku". Loko hikhanela hi kuxa ka dambu kumbe kuxa ka siku, svihlaya lesvaku dambu/siku dzraxa. Hicolahu, svilulamile kuhlaya lesvaku: "*Dzrixile*", loko amiyana-kanywini hiku: "*Dzrixile dambu*"/"*Dzrixile siku*".

1. Dzripelile!³
2. Awupeleni!
3. Adzripeleni!

1. Xawani!⁴

1. Hitavonana!
2. Hahatavonana!
3. Hitavonana ha hombe!
4. Hitavonana nkama wun'wana!
5. Hitavonana mundzuku/mund-
lwana/mpambazri!
6. Hitavonana vhiki dzritaka/hweti yitaka!
7. Salani!/Salani ha hombe!
8. Hambani!/Hambanini!
9. Wisani!/Wisani ha hombe!

1. Hitapfuxana mundzruku!
2. Ahipfuxaneni!

⁴ Dzringagomisiwa dzriva xa. Xik.: Xa, Mariya! (Xawani, Mariya!)

3. Yetlelani!/Yetlelani ha hombe!

Loko hijula kunavelela mhunu lesvinene:

1. Mixo (lo)wunene!
2. Nhlikanhi (lo)wunene!
3. Siku (le)dzrinene!
4. Madambu (la) manene!
5. Vusiku (le)binene!



SERVIÇOS DE TRADUÇÃO E INTERPRETAÇÃO

Garanta serviços de alta qualidade pagando menos!

Os consultores da Dumbeka, Lda., são profissionais altamente qualificados e experientes na prestação de serviços de tradução e interpretação nestas línguas: Inglês, Francês, Espanhol, Alemão, Italiano, Mandarim e Línguas moçambicanas.

Os clientes que tenham um contrato de longa duração com a Dumbeka, Lda., obtêm um desconto de 25-30% dos preços vigentes.



Tradução de documentos pessoais, certificados, contratos, procurações, etc.

Tradução de documentos técnicos e científicos

Tradução literária

Tradução de relatórios

Serviços de interpretação consecutiva e simultânea

DUMBEKA, LDA

Rua de Vundiça Nº 235,

B. Liberdade, Cidade da Matola

Celulares: 845188424/

879999269/827194852

Visite www.dumbeka.com

Email: info.dumbeka@gmail.com